

緝刊之三

公餘僅誌

078



Socials Anniversary John C. Gifford, A. H. H. - Director of the Society at the Worcester 1896.

彭攝廠鋼力克高國比觀總年六九八一一於公臣瑞父先

03852



公餘僅誌序

余友彬君靜齋篤學之士也通數國文字尤精法文譯才卓絕夙負盛名每當政學各界款待外賓之際必延

君出席以極流暢之法語致答詞賓主曲盡歡欣蜚聲壇坫而爲外交之長才者有由然已

君幼承家學長更精勤公餘之暇不好嬉遊惟喜讀書研求國外政聞輒筆記之歷年以來著作宏富然不肯輕以示人也近以其公餘僅誌數篇示余曰僕將以是付梓而問世子其以爲如何苟不以此舉爲謬妄尙祈吾子書數言以爲序嗟乎今世之文豪名士多矣

君獨索序於余夫世之鄙陋營學孰有甚於余乎墨耨舌耕不求通顯腹乏五車之富才慚八斗之雄豈孫陽一顧遽標鑒賞於牝牡驪黃之外也哉知已相勗又烏可辭耶時至今日人才衰歇極矣浮靡是尙道德不崇一暴十寒生者有幾若君之自彊不息誠屬鳳毛麟角矣時序推移以



君之氣宇軒昂非凡偉抱他日膺星使之寄揚國光於海外固可操券以俟振案或得相與乘槎作萬里之遊亦未可知也而此僅誌一編再編庶續著述以餉國人其有神益豈曰小補爰贅蕪詞聊當萬紙流傳之發軔賀

民國戊辰秋季望日大興陳振家敬序

公餘僅誌序

吾人服務終日工作多時迨退休後精神既已疲敝雖欲執筆爲文以舒胸臆亦有所不能矣況時局之批評招尤自易高閣之議論問世殊難縱使快意當前而輿思及此亦必爲之擱筆而不願爲一鳴驚人之一舉矣然則余之公餘僅誌又何爲而刊行之耶則欲完先人未竟之志蔚成父作子述之功也

先父瑞臣公癸巳己亥兩赴歐洲轍迹所至雖幼弱幸獲追隨朝習校課夕研園文庭訓之情思之如昨先父曾著四國遊記一書彼時學子未諳西園情況者無不人手一編以先觀爲快復以吾國須有新法教育自著啟蒙三字解印贈戚友同時尙有遊餘僅誌爲先父周遊外邦所誌余之公餘僅誌亦即秉承遺志以國外之新聞介紹國人而資探討遊餘公餘其意一也照行年四十粟碌塵寰念先澤之高深而不克負荷懷慚五內寢饋難安頻年逸譯之件甚夥然以不甚愛惜之故強半遺失茲擇關於國憲文化民生諸大端而能應順世界之潮流者抉錄數則刊行於世持平立論無黨無偏斯固非月旦名流揚人之短暴己之長者然亦非要譽於

鄉黨誇耀於流俗也區區譁陋之懷曉曉芻蕘之語實願

賢達君子指其謬誤而糾正焉俾真理愈明國基益鞏他日太平郵治之盛得於吾

身親見之是豈^照一人之榮幸也歟

民國戊辰秋仲北平彬熙序

選造議員之新機關

民國九年夏選舉一九一九年十月一日法國各界雜誌
曾載民國九年八月四五六七日北京電報

法國選舉制三十年來素用分區選舉從多數獲選法則今將修易改用列單選舉制緣可藉資勢力微弱各界之輿情亦可被得代表此乃相沿舊制於今大受改革之舉特爲譯其改良精詳各情以供國人宏瞻

三十年來法國所用選舉制爲區域選舉即每區公選下議院議員一席是也因各區居民繁衆復分爲分區選舉亦得各選一人如巴黎暨偏北諸省多以分區計之其餘繁盛諸境亦適用此法

此制雖似公允然於代表民意之平等均勢情節上略欠完善若以巴薩勒伯省比較即可知也該省係用一千八百或二千選舉人公選議員一席而盧瓦省則須二萬人之多方能選出議員一人且代表二萬輿情之議員在議院發言並不較重於代表二千人之議員是以此制實現其不適用之缺點也

舊制係將府縣分作分區法國全境可計六百分區每分區無論若干有被選資格

者其二萬或二萬五千參與選舉者只能指名選舉一人故常名之爲指名選舉是也

議員被選向以從多數爲準繩比如某甲列在數界某界之一並充該界黨魁如若其他各黨黨首缺少一票亦歸某甲被選然某甲不過實在代表一部份其餘二三部中之人數較某甲本部之人數曾多至一二倍亦應忍氣吞聲隨由某甲代表之試觀左例比方更覺明晰使俠利庸（或布爾等）省有二萬五千有權選舉權者其中有因疾病有因出行或不願參與選舉事者七千人餘剩之一萬八千人爲實行投票人此爲常遇之人數其中應中選者爲張王李等三人張獲六千一百四十票王得五千九百六十李則五千九百均係相差不遠於復選時該三氏仍然如故若此境况惟張君一人被選其實張君不過代表一部份而已而在議院中則爲代表二萬五千人者也若以數計實在投票張氏票者只六千一百四十人反對者一萬一千八百六十人此一萬餘人則應強認張君爲其代表此理公平是以從多數爲准之制含有弊端致使之被選舉者並非確係全體參與選舉者真正目的人物

也其弊苟因僥倖不至如此之甚然吾堂議院亦不免成一諮詢事件之機關也再換言作比議院或者即成一聽病儀器只能聽各不能醫治之病或成寒暑表之指度具由零度忽然漲至百度之謂也或如風雨表之度針不按次序指點天氣而忽由狂風狂雨跳至極旱天氣度數是也此制或似辦事毫無中間人爲之斡旋此無異乎野人任意選舉式也茲再用他法比之即如以藍綠名單二紙爲列兩界被選人物之名單藍界適獲八千零一票而綠單獲八千票藍單被選而所有投綠票單之人即應視爲不當存在世界者此爲公平由此藍界議員即對政府大聲呼之吾被代表人等欲此欲彼其實某項事業對政府之要求只一區中之半數零一人意見耳其餘半數並不願如此謀求某種事項也

再詳辯之此藍單被選之多得一票不知係一醉漢或一瘋顛抑一目不識丁之人所投因此一人關係即應定奪全區人民輿情無乃太過乎

以上制度已實行三十年今知其非定應修改諒衆民亦必視此爲當今之急務也分區選舉既不適宜然亦不能每人舉一代表以針銜相符於該本人之意見而亦

無法採用分身法將議員一人分爲數份然亦不能在議院於單日代表某人意見於雙日代表某意思如此類推其本人意思則永無發揮之日而議員本人所發表之意見亦必自相矛盾也如欲此改良理應選出數目較多之議員爲分任各項意見如此則可將區制改用省制庶可每省選出五人十人或廿人爲議員各人分任各該相近之意見每界或黨即可被爲完全代表其所得之投票人意見也比如某項意見若被一萬五千人贊成即可選出代表一人被三萬人表同情者可得選出二人被四萬五千人表同情者即可選出三人此法即「量數代表」是也

舊法係舉一姓名投票新法乃按一省應選若干人照數填名況人名曾預書就印列成單備待各界「或黨」名望素孚之人期獲被選數人此之謂列單選舉也因潮流所迫日後定當改易新法以示大同可免真切輿情不能伸表於世且山僻邊境人民知識愚陋多因小利致亂大謀之事譬如昔時某部長之屬某某議員投票袒衛事該措詞極其強硬並反質問議員對其代表之省分曾作有何種公益事項云云又有某部長云各該邊省不過是一種「死深坑」而已此皆是議員見識淺

鮮不籌國家大計徒知獲其本鄉之小利也今後改用「列單選舉」各界人等均克被選此不僅限於每區選舉一人者也果此推廣範圍羅集各界人才則與本國遠大前途實無限矣然此次選舉究竟是否採用此法吁不敢必也其法固善我恐不易一躍而遽實行茲將現擬採用新法之利害特證之如左

兩界或兩黨相爭

按照一八八五年至一八八九年止之選舉法所規定如遇兩界相爭之情惟估多數者被選誌其比方如下假定羅省應選五人中有兩界爭執一係藍界名單一係綠界名單藍界應選者爲甲乙丙丁戊己綠界爲天地元黃字等人而選舉人爲十萬數其中僅有七萬四千人爲實行投票每界如獲三萬七千零一票者方爲被選今復試觀藍單情節如此

計開藍單甲得四萬四千票乙得四萬三千八百七十二票丙得四萬二千五百五十九票丁得四萬二千一百十三票戊得四萬一千二百七十票
綠單天得三萬票地得二萬九千九百三十四票元得二萬九千七百廿一票黃得

二萬九千三百四十六票字得二萬八千八百八十七票

藍單所有人民全體被選綠單雖亦獲得票數不少投票與情終被免其代表於諸議院總核藍單不過多綠四分之一而已如按公道而論假使議員七席其數藍單應佔四席其餘三席庶應讓諸綠單充之綠綠單中人物所代表者我非小數惟羅省徒有五席理應以三席爲藍單佔居其二席則當讓諸綠單佔居也而今新法殊非此道其結果統由藍單居之此不遇只論二界爭執而言該法即仿照一八八五年至一八八九年間所頒之制所謂從多數是也

三界(或二黨)相爭若有二界爭執其法則全易換所變之法或可近於按數均勢代表假使羅省除以上二界之外尙有第三界爲黃單其中人物爲子丑寅卯辰投票人數仍舊爲七萬四千其中當分三項意志或三黨如左

(藍單) 甲獲三萬五千票 乙得三萬四千七百六十八 丙三萬四千二百八十一 丁三萬三千九百四十 戊三萬三千三百十五票

(綠單) 天獲二萬三千地二萬二千四百二十元二萬一千九百九十八黃二萬一

○七十字二萬〇八百四十三

(黃單)子一萬六千 丑一萬五千九百七十二 寅一萬五千四百〇一 卯一萬四千九百五十五 辰一萬四千八百八十七

按舊法徒有藍單被選綠黃二單皆當向隅無疑按新法則不然查投票者爲七萬四千人應選只有五席每單加獲投票人總數五分之一即得一席查七萬四千之五分之一係一萬四千八百每單如獲此數即當得一代表之權如獲二萬九千六百票者當有二代表權由此類推觀各單得票之均勢應以何計之乎曰應以各單參與選舉全體人數所有資格相符應選人數核除由上列採用比較可見各得票人所得之票數均屬相倣此亦常理不待核算即可瞭然者也藍單各人均獲兩次一萬四千八百票已可預知此單可獲代表二名綠黃二單者只獲一次一萬四千八百票者居多各獲代表一人所選出者可考證於左之排列

(藍單)甲乙二人(綠單)天一人(黃單)子一人此只四人而已尙缺席未選出此第五席應分派與各單平均算出由票數最佔優勝者居之如此則藍單獲到

三人被選即甲乙丙三人是也

如按實數計算藍單只獲三萬五千票反出代表三人而其并駕二界共獲三萬九千票反出代表共二人此或不公然已大見優美

新法之總結論調及其觀念其結果或可視爲兩種一爲用單選舉代補舊式之區域制度一爲按數提成代表可代昔時從多數之規定

從用單選制言之欲被選者須預先謀組黨派公布本派所懷宗旨此法可免從多數之種種弊端因此從多數之制無所謂宗旨或趨向徒以運動投票者爲能力是以實際寬廣者甚易被選多屬僥倖問題按新法行之不特只以在本省認識八萬或十萬投票人爲標準須廣公布所懷宗旨爲要務由宗旨或志向之所指即可邀動贊同人由之贊同諸人即可投票公舉此法雖與投票者不相識亦無關係因係由宗旨大題所獲結果是也是以時勢變遷以後則以某項志願某種計策爲選舉大致是較以人爲標準者強似百倍是以志向微陋之人以某村或某微冗小事爲念累思想者可不當權也此後在各省均可普及大同主意庶可免去代表諸人眼

光微淺之弊此雖不能盡善盡美然已究近乎免除隔膜之先聲

舉舉本旨向選人以覓選才爲主旨至今究未完全實行殊屬憾事查真正人才或多不運動選舉人藉資被選是在位當道多缺該界人才所以至使各無聊政客反多獲優上祿位此後如類似Taine, Borcholot, Pasteur, Boucaut, Henri Zosma-ir, Paul Leroy-Beaulieu, Nor Sofoguir, Savorgnand et Brazza, Leploy 諸人定不克獲居上位其中未得意者亦或有之然法國由事實所迫應有真正人才當道如經濟界博學界諸大才巨子並未多現於國會

此後改良諸有小功僥倖之人不至容易獲到昔時之優位是吾敢盼各專門人才如工農商以及經濟法學旅行冒險各界果以動人間聽之大宗旨廣布衆人必獲被選代表各該本界之輿情此項人才至今吾國會中爲鮮見者無疑也此新法亦不過開單列名布衆投票者亦不過按做舊法投票與每單居首所列之一二人而已然舊者究係以多數爲準繩新者雖再腐敗確係按代表雖不居在多數內之輿情亦可被代表是以少數人民意見亦可略見上蒼一綫曙光然每省若只有二

項意見列爲兩單者仍不得享受新制利益雖如此究竟每省至少亦有三單之多此必不可免之常情每單如獲相當參與選舉人則定可出一代表代其辯護

比如某省有選舉人六萬名應選議員者有五人而省內分區每區綠單只獲三千票按舊法(即區域選舉制)言之綠界不出議員因被選者須獲至少數五千票方爲獲選其餘或得二千或四千者均無濟於事如今新制即所謂按代表輿情者綠界竭力聯合全省同志甚易集眾一萬五千票雖已獲過多數之某方面姑定其數爲二萬五千票並遇意見相反者共二萬票則綠界亦選出代表一人

法國選舉請界顏色此後略增加而勢微力弱各界輿情亦可一旦伸張此吉兆乎凶兆乎吾只能斷以勢近公道而已矣此新制雖不盡善盡美惟祝再加修改是所切禱切盼之事也

圖說略誌

- 一圖正面繪出國會房舍一人獲到七千五百票形式得入議院充當議員另二人
- 一爲代表五千五百一爲代表四千五百人均被擯此證明被擯者共一萬人與

情得代表者只有七千五百人此指不公允之舊式選舉結果七千五百人即能選舉出議員一人而可代表一萬七千餘人實以少數壓多數之證也

一圖正面繪出議院投票者爲七萬人某界獲三萬票得議員二席一界獲二萬二千票得議員一席一界獲一萬八千票得議員一席共計議員四人均不見擴而得入院此誌各界均被代表之幸事也

法國選舉法已實用數十年忽有改採此法之舉試用後不甚適宜復又改回舊法略加修改而遵從之攷比國憲法自立國以來除代議士數目增加外餘無變更其他諸邦憲法或選舉法或因改變國體根本更改或因事實而變通辦法因無專門心不敢妄談茲就曩譯之稿再爲刊出以供訓政時代研究選舉法之資料須知法國憲法尙有如此經過之波折語云利不十不變法真至言哉

進思堂講演中國現在問題

十四年十一月

曾獻家兆尹公書進
思堂講演第二集

兄弟今天來此講演愧不敢當不過以個人資格來此說幾句話兄弟雖然自民國二年至今在駐京比國公使館任職今天到此與諸君談話則以個人之資格而來然事實上有種種限制之話則有不能說之處今天所定題目爲中國現在問題此種問題甚爲廣大覺得難以從何處說起兄弟於西歷一千八百九十九年到各國去過從一九一三年起到現在一九二六年皆在駐京比國公使館供職就其耳聞目見之經過及各人之意見爲諸君說一說從前中國辦理外交之事其機關謂之洋務局由督撫派候補道辦理其事此種候補道多係不明瞭外交情形之人以至將外交上應走之路走錯又張文襄公辦理學務廢科舉辦學堂用意亦善然張文襄公本係科舉出身之人對於學務素少研究以致又將辦學之路走錯夫科舉一道爲中國特有之制度其法頗善故當時英國曾特意派員調查以爲可稱爲選舉制度之一故廢科舉是可惜之事且當時辦學亦未辦好留學生到外國去並未盡心研究學問笑話百出回國之後所辦之事則又用非所學故辦學之路又走錯了

又從前外國投資中國惟恐中國不用無須擔保但其後往往借款另作別用以致爲外人所不信用雖有擔保而尙不肯輕借故借款以辦理各種事業其本意亦無可議但其後又走錯路了夫以中國地大物博出產極衆如閉關自守可無須仰給於人非如各國原料及糧食多不能不仰給於外然中國人竟不謀開發富源之道國家財政日見困難債務之多亦環球第一且因借債之故外人遂得操縱中國財政還債既有未能於是有人主張仿照俄羅斯之辦法賴債不還但中國之情形與俄國不同賴債亦復不易蓋俄國各種財政收入機關皆係本國人自行辦理故雖賴債而外人無如之何若中國情形則不然如海關稅等收入機關在外國人手中試問此種情形雖欲賴債豈可得耶兄弟個人之意見第一層先辦還債從前日本亦有借過外債然自甲午中東戰後日本得有中國賠款清償所借外債國際地位因以增高故兄弟意見賴債既有未能則還債實爲第一層應辦之事蓋與增高國際地位有關也又從前日本海船到外國去所用船主皆西洋人然自日俄戰爭以後日本人將西洋船主一概更換所有海船之船主概易以日本人本國之人材既

衆而外人亦爲之改觀又外國之製造原料皆出自中國如中國棉花外人運到本國加以製造又復運回銷於中國以獲其利使無中國之原料則外人之工商業亦不能發達也夫英國之本國地甚小也然海軍力則甚強盛其故何哉蓋外國人利用中國原料大興製造之業開設大工廠以養本國之人吸收中國之錢以製造軍艦故海軍力之強盛冠於各國夫以中國地大物博人民衆多天產豐富無須仰給於外如能圖謀富強以與各國比較不至落於其後乃實業不振國勢貧弱現在每以極小之事與外人商量如關稅會議討論加稅之事本係國家自由之權而反與外人商量是也我們增加關稅彼如不願則請其暫停交易則外國先不得了蓋外國製造品之原料多出自中國不可以缺乏以至影響於其國之實業也夫外國是否想不用中國之土產物而用南非洲等處之原料將來雖不可知而現在則不能不有賴於中國因經濟上之關係彼不能不與中國通商交易也古人云夫人必自侮然後人侮之國家亦然以中國之廣土衆民益以天產豐富苟能發憤圖強自可稱雄世界特以從前國家之種種設施把正路走錯以致國勢未能興盛如能把走

錯之路改正順序而行則國家前途自有莫大之希望兄弟今日來此與諸君談話因有種種之限制不便痛快說一說而就所能說之範圍則僅有此尙希諸君原諒所望行政機關對於各種應辦事業力加整頓以致國家於富強中國前途實利賴之

摩洛哥旅行記

摩洛哥在非洲西北與歐洲西班牙僅隔一海峽過海峽即抵當瑞城 Tangier 城爲摩國大海口極佔重要之位置屋宇櫛比圍以青翠之色城內右偏爲舊城左爲新城人民往來如織並有著名寶庫據云此庫建於十八世紀當瑞城之風景大略如是至一切政治則與法人携手商酌辦理該城因所處地位與國際各項問題甚繁故一九二三年曾有國際中一種特殊規定嗣後此城可以繼續進行其無阻碍之整理當瑞城不特爲摩國主要門戶將爲世界旅行家之大起點現鐵路直達費司 (Fes) 摩京) 其往年出入口貨物爲六萬噸自經法人整理後城內汽車路四通八達將來海口之繁榮與經濟力之發展誠未可量由此可通拉巴 (Rabat) 薩不郎 (Casablanca) 此二城在大西洋方面可爲大商埠並可直達阿勒日利 (Algérie) 出城穿國際隙地及西班牙隙地即至法國所屬地帶迨經整理後農產甚佳以五穀高粱爲最主要出品牧羊亦甚進步新墾之田三萬二千頃有四百歐洲公司承辦其事乘火車未幾歷穆賽醫特立司 (Moulay-Idris) 摩洛哥之聖城及握旅必

立司 (Yuhilis) 遺蹟握城遺蹟即西歷一百一十七年羅馬所建築者旋至買克耐司 (Meknes) 比爲穆資衣斯埋 (Mouley-Tsmael) 臨政五十年所居之城頗有與路易十四公主結婚之念而未果穆資氏之故宮已成一片荒涼尙有五色琉璃製就之遺物殘留其間費司爲鐵路之終點分新舊二城登山望之可窺全景其舊城 (Meknes-ai-Ball) 有平臺與尖塔之樓禮拜寺等樹木青葱點染以灰色之城堞碧瓦雜陳其間右爲新城街衢寬闊有猶太人所住區宇與本地有名建築等攷舊城建於九世紀登臨四眺氣象萬千法國著名文學家羅隄 (L. de) 博士常升高臺以舒暢其腦筋增益其文思迨履平地則覺氣悶緣該處房舍逼仄也曲巷中時遇小本營商者有一區宇磨房林立由此可抵博物院花園布置異常精雅然後可抵著名大禮拜寺二座一爲穆資醫特立司 (寺爲穆資氏之子建與費司都城同時修建一爲哀勒嘎魯醫訥 (El-Garouine) 教規甚嚴非回教人不得入內寺院中有水池二構造精美哀勒嘎魯醫訥寺中設一最古而負盛名之大學校講授于拉馬斯 (Ulemas) 之學許多學生皆從城外來此肄業寄宿舍建於十四世紀建築完全一律每所有

池一擘經廳一學生則居於樓上工程異常精良各種建築皆有琉璃瓦之雕刻抹灰之工尤可表現阿刺伯之文化於柏木雕刻中有天經之詞句哀勒嘎魯醫詩旁爲繁華商場各商以櫃檯式之商店坐候主顧婦女刺繡之腰帶爲最流行於社會之美術品城中有水法一座名爲內沙林拉(Moishine)以五彩琉璃磚造成堂皇壯麗此摩洛哥本地回教之情形也查一九一二年法國兼管摩事時海口商埠及內地交通毫無足錄嘎薩布耶嘎開拓商埠已用二十五頃面積(一百五十克達 Hectares) 汽車路通行已有三千基羅邁當之多已設輕便鐵路即將改爲寬軌可見經濟方面發展甚偉不特此也且有公共工程計畫以國利民福爲前提其地農業收場之發達得法國之良好指導前程庸可量乎本地人民聰明勤奮人皆注重其耕作之田對於法人所予改良而欣然從事來此之移民更能以勤勞有恒之工作示諸本地人其獲益誠匪淺鮮且也更迭種植與改良牧場之結果無不盡善盡美此言農牧之情況也摩國自法人經營後礦產亦極發達如鐵鉛黑鐵(Manganese) 磷酸鹽(Phosphates)皆爲大宗出品商務尤爲增加大西洋口岸及

阿勒日利邊界雙方貿易爲一百八十三萬噸貨物可值二十四萬萬佛郎較一九一二年僅大西洋方面之貿易只有出入口貨物三十六萬噸而已於此可見摩洛哥成爲大商埠之國鐵路與酸鹽所出數目日增而此維新摩洛哥內之回教民族亦深享幸福矣

法之經營摩洛哥成績昭著有足多者獨能於極短時期使出入口貨物相去奚止十伯尤爲難能可貴吾意非以他人統治之下爲可歎羨也然以其治理得法非井有條不背其信仰無改其國俗摩法人士相處若良友之相忘寧非可異之事乎吾國華僑普徧於南洋羣島暨澳美等洲雖歐西無多然亦可尋其足跡若非洲之廣漠亦何不可去乎南非之開礦需人北非亦多可作之工何吾人甘自落伍而不急起直追耶爰贅數言吾生計困難之同胞其勉旃

民國十七年六月崇實報載 據中國外交部根據駐外使領之統計現在海外之華僑約共八百萬人在美國及檀香山約十五萬菲律賓濱約五萬在英國管轄各地之華僑約一百五十餘萬（僅香港一地有華僑四十四萬四千

六百四十八人) 荷屬印度約二百八十二萬五千在日本者約三千安南十二萬西伯利亞二萬七千澳門七萬一千澳洲二萬五千七百七十二馬拉亞(即英屬南洋)九十萬三千法屬印度支那(即越南)一百零二萬秘魯四萬五千錫蘭二萬五千其他各國八萬二千云

又據法人白蘭氏一九二八年所著書中云華僑在外共爲九百萬云
清光緒十二年時因華僑在外衆多曾派專人赴以下各處慰問

小呂宋 蘇祿 衣瑯 祿奈 新嘉坡 麻六甲 檳榔嶼 仰江 卑力
新金山 雪梨 噶羅巴 泗里末 三寶壟 般鳥 西貢

巴黎學區之創設

生計艱難日用所需逐漸昂貴不但法國如此環球衆生胥受同樣之困苦已無可諱言求學青年用費至儉亦須有棲身之所蓋因家境窘迫無力供給子姪輩致中途輟學者誠不可勝數矣法國富豪德智氏 *Deutsch de la Meurthe* 有見於此解囊慨捐壹千萬佛郎專爲建築大學宿舍之用其惟一條件須擇地基近於巴黎之大學校方可政府聞之大加鼓勵在如爾丹 *Jourdan* 大街特購廣大地基（面積五十畝 *28 Hectares*）贈之而學區之創設遂得實現焉

一九〇〇年巴黎大學計有學員一萬一千有奇其中客籍者一千一百左右一九二五年則變爲二萬二千餘其中有外國學生三千三百之數增加迅速令人出於意想之外校中生涯除富族及中戶子弟外皆感宿舍不便之痛苦加以家長供應不周以求學之心而憂用度良可慨也况陋巷飢飲不乏大賢巖穴山林隱身俊彥將來之巴司德 *Pasteur* 博德羅 *Berthelot* 何南 *Renan* 再爲出世亦未可知若籌畫得當不但與法國之文化發展有關而遠方來此遊學之士亦不無小補矣

德智氏欲解決此難題故有此熱心之舉已有竣工而可容三百五十人之寄宿舍地址即城垣舊基爲巴黎最高處空氣非常適宜距蘇弗羅 *Souffro* 街及大學各分院均近大學院長阿白勒氏 *Appell* 爲德智契友參與建築計畫現此區域之發展將成一四千居民之新城(又可名爲大學城)其如何至此地位爰述其情況如左

德智氏創建宿舍之意係自國家以至市府大學院皆爲造就人才之負責者聯合同志一致以此爲準繩即有比國富翁 *Piermans-Lapotre* 畢曼拉波特夫婦捐助五百萬佛郎建築容二百學員之宿舍落成於一九二六年繼起則有加拿大邦威爾孫 *Wilson* 上議員捐助二百六十萬佛郎築五十學員之宿舍再爲阿根丁國班拜爾氏 *Bemberg* 捐助一百萬佛郎附有僑巴黎之該國人捐助二十五萬佛郎二款作容五十學員兩所宿舍之用中央學校學生會已募有一百二十萬佛郎其目的擬建容百七十學員之宿舍農學學校則築樓房百間爲本校用此外有英國已規定擬築樓房三百間日本則築樓房六十間美國建樓房二百五十間西班牙

建樓房一百五十間荷蘭建樓房一百間瑞典建樓房五十間捷克國建一百間哥倫比國委內瑞拉國共建一百間此後各國學者蒼粹一方世界大同由此實現羣英畢集巴黎而求學增法人之光榮豈淺鮮哉而法國欸接世間學子携手一庭與其立自十二世紀之最古大學亦榮耀於無極所有規定章程另有詳册可供兼覽云

積金以遺子孫徒以長其驕而益其惰也吾國人士雖知其非然家族觀念太深賢者不免況庸愚者乎至若捐千萬金錢以宏建宿舍以嘉惠後學如法富翁德智氏眞世所罕覩者矣比美英日諸邦風起雲應洵極一時之盛吾國學子負笈法都實繁有徒今日國庫雖空此種有光於國體裨益於青年之事業縱羅掘爲之亦不爲過是在政府倡導於上各省府分任籌措之責尤望全國富紳巨賈量力捐助集腋成裘以襄盛舉庶吾國際地位因以增高豈不懿歟

法人之中國回教原起說

高爾牒君者爲法國著名研究東方文化之一人曾撰『雲南回民』一書

茲撮其大略如左

西歷一八六八年法人杜布義赴雲南省旅行觀該省回民之多殊出意料之外
考全球回教信徒達二萬五千萬法屬殖民地佔二千二百萬英國各屬六千六百
萬荷屬印度三千六百萬中國則約二千萬佔全國人民二十分之一以如此之繁
夥其種族教化及生活之團結勢力雄厚故其社會之發源前途之奚若無在不有
研究之價值也

回教在亞洲之傳播雖未能完全佔同等之優勢但在馬來羣島等地印度一帶暨
中國各處散布則皆綽有餘裕

回教入中國其年代無確實之記載蓋因戰爭之破壞致古蹟漫滅而不可考就雲
南清真寺碑碣證之亦僅三百年來所建已無明代遺物遑論唐宋誠省垣大寺碑
記則書建自唐太宗六年詳攷其石則清康熙三十年重建所勒者也

歷史上所載阿拉伯旅行者所道似回教入中國在唐代已後然阿拉伯人有言曰
研究學問須至中國是中國名詞早輸入於阿邦矣至於阿拉伯傳布回教於各國
之使命迄未抵於中華

波斯教或巴庇倫教入中國則有記載至回教則無紀載之年月而中國人則知有
大食國云

波斯王耶思得該第三逃至麥爾佛求救於唐太宗爲反抗阿拉伯之壓迫至太宗
之答覆則無所記而歷史於阿拉伯風土人情言之甚詳並載穆罕默德曾受中國
命令與勅書之情形

數年後回教戰勝穿越亞洲中部穆罕默班曠森於七百十一年入印度阿拉伯大
將孤代霸入蒙古册府元龜(書名)載伯加拉國撒馬拉岡國土耳其斯坦國皆
致國書於中國皇帝而求援焉蓋爲阿拉伯威力所懾故耳七百十一年至七百十
四年此三年間孤代霸持嘎立夫旌由撒馬拉岡至噶什噶爾俾俾征服人民皈依
回教孤代霸遣專使至中國解譯可蘭經奧義及回教徒家居之風俗習慣據馬孤

留特（人名）云使者盛言本國軍旅之強而中國皇帝見回軍之雄偉甚爲驚異深信使言之不謬且通貢品然而中國帝王向居上峯彼時情形如何則不敢斷定至於中國得孤代霸雄兵之紀念則確切不移當七百五十六年唐肅宗朝受安祿山巨寇所窘曾借兵於曠立夫亞布利法艾勒曼素（人名）得武勇回兵四千唐之社稷因以恢復唐亂平後回兵即成編戶娶妻生子此即中國回教播核之起原而無疑也

法人對回教周旋非自今日始矣當杜布義（Dupuis）六十年前來華即注意中國回界之發展及其將來觀念之如何近法人又覓種種方法援助回界人士順潮流求學用意甚佳也此書約百數十篇歷言在華回族之情形及雲南藏邊並其他各省之回亂原因此節只譯其開端之大意而已夷攷回亂皆由小事肇發地方官吏不能應變平回民之氣釀成浩劫夫燎原之勢豈可委贖天數哉噫

1240